



JUDICIAL SYSTEM MONITORING PROGRAMME
PROGRAMA DE MONITORIZAÇÃO DO SISTEMA JUDICIAL

Komunikadu Imprensa

19 Novembru 2012

Tribunál Distritál Suai julga kazu krime inséndiu ne'ebé akontese iha Galitas, Zumalae

Iha 15 to'o 16 Novembru 2012 Tribunál Distritál Suai kontinua julga kazu krime inséndiu (sunu uma) ne'ebé akontese iha 14 Agostu 2011, iha Aldeia Galitas, Suco Tazhilin, Sub Dsitritu Zumalae, Distritu Covalima.

Arguidu ba kazu ne'e hamutuk ema na'in 21. Vítima iha kazu ne'e mak ema hamutuk na'in 74.

“JSMP hanoin katak krime inséndiu ne'e nu'udar krime grave tanbá comunidade barak mak lakon sira nia uma no sasán barak mak estragus tanbá hetan sunu husi arguidu sira. Tanbá ne'e JSMP husu ba tribunál atu hamonu pena ne'ebé mak adekuada”, dehan Luis de Oliveira Sampaio, Diretór Ezekutivu JSMP.

Ministériu Públiku haktuir iha nia akuzasaun katak iha 14 Agostu 2011 mosu dezintendementu entre grupu artemarsiais PSHT no KORK. Iha akontesimentu ne'e, grupu husi KORK oho tiha matebian Agustu Paulo dos Santos Dias no sona kanek vítima Julio dos Santos. Tanbá ne'e arguidu MB dirije arguidu sira seluk hodi estraga no sunu uma família grupu artemarsiais KORK sira nian.

Bazeia ba faktu hirak ne'e, Minstériu Públiku akuza arguidu sira ba krime diferente tolu: krime inséndiu tuir artigu 263, krime danu agravadu tuir artigu 159(d) no krime danu simples tuir artigu 258(d) husi Kódigu Penál Timor-Leste.

Julgamentu ba kazu ne'e sei kontinua fila fali ba iha 19 Novembru 2012 hodi rona tan vítima sira ne'ebé seidak prestá deklarasaun.

Juiz kolektivu ne'ebé mak dirije kazu ne'e kompostu husi Dr. Álvaro Maria Freitas, Dr. Pedro Rapozo Figuerreiru no Dr. Costaçio Barros Basmery. Felismino Cardoso reprezenta Ministériu Públiku no arguidu sira hetan defeza husi Pedro Apariçio (advogado privadu).

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Landline: 3323883